



藝術典第一百八十三卷

醫部彙考一百六十三

咽喉門四

單方

纏喉風白礬末半錢烏雞子清一箇調勻灌入喉中立效如神

綱目

硃砂治喉痹神驗含口中細

細嚙汁立瘥馬牙硝與焰硝同功

本草

咽中瘡腫硃砂一錢蓖麻子去皮一粒同研新水和服卽

效

綱目

硼砂治咽喉痹最爲要切含化嚙津

本草下同

咽喉痹痛升麻剉煎取汁含之

喉閉

垂死取馬藎根擣絞取汁稍稍嚙之口噤者灌下葉及子同功子則取四十九枚爲末水調服葉則

取二兩水煎服

喉痹取牛蒡子一合半生半炒爲末熱酒調下一錢

又方牛蒡子六分馬

藎子八分爲末煖水調一錢服立瘥

喉痹腫痛露蜂房灰白殭蠶等分爲末每乳香湯服半錢

又方用蜂房燒灰每以一錢吹入喉內不拘大人小兒

心錢

喉閉水漿不入採射干根搗取汁細

呷之治喉痹最捷或醎酢同研取汁嚙引出涎更妙

丹溪

喉痹咽腫生瘡蓖麻子取肉槌碎紙捲

作筒燒烟吸之治喉痹名聖烟筒

正傳

馬勃治喉閉咽痛以蜜揉拌以水調呷

本草

又方馬勃

白礬等分爲末以鵝翎管吹入喉中吐痰妙

綱目

咽瘡喉痹用好米酢噉漱吐痰爲妙

回春

纏

喉風食不能下取大麥麪作稀粥令嚥之既滑膩容易下咽以助胃氣

本草下同

急喉閉皂莢搥碎

去皮子揅水一盞灌下或吐或不吐卽安

急喉閉取鱸魚膽汁少許點患處藥至卽瘥病深則

水調灌之臘月收者佳

喉痹雙乳蛾壁錢窩一箇取患者腦後髮拔一根纏定錢窩燈上以銀

簪挑而燒之存性爲末吹入患處立消

回春

又方壁錢燒存性白礬枯髮灰等分爲末吹入喉中

治喉閉名吹喉散

醫鑑

喉痹蟬蛸取汁點在喉中卽喉開

本草下同

喉閉蛇蛻燒爲末吹入喉中

纏喉風氣不通蛇蛻炙黃當歸等分爲末酒服一錢愈

喉閉蚯蚓取汁吞之咽喉卽開 急

喉閉白殭蠶爲細末薑汁調灌下立愈

又方殭蠶炒白礬生等分爲末白梅肉和丸皂子大綿

裹含化嚥汁瘥

直指

咽喉腫塞石蟹搗絞取汁灌之卽開

本草

咽喉閉塞口噤取雄雀糞細研

濕水調灌半錢

咽喉閉塞生鷄卵一枚去黃留白著米酢燂火沸起就熱飲酢盡一二二次卽瘥

綱目

咽喉腫痛閉塞瓠花上飛蛾燒爲末吹入喉中神效

俗方

喉痹熱痛上好消梨杵取汁頻

飲之多服爲良

正傳

喉痹水穀不下取蘿蔔汁徐徐嚥之即愈

綱目

咽喉乳蛾取土蜂窩一箇

爲末先用楮葉擦破令出血以酢和末用翎點之令痰涎出爲效後用扁竹根搗水服數口取利

瑞竹

堂方 咽中結塊不通水食危困欲死百草霜蜜和丸芡子大每新汲水化一丸灌下甚者不過二

丸名百靈丸

普濟方

喉痹乳蛾用烏龍尾枯礬猪牙皂莢以鹽炒黃等分爲末或吹或點皆妙烏

龍尾即梁上塵也

集效方

喉痹腫痛鉛白霜甘草各半兩青黛一兩爲末酢糊丸芡子大每含嚥

一丸立效

聖濟錄

喉痹腫痛菖蒲根嚼汁燒鐵秤錘淬酒一杯飲之

喉痹瘰肉及舌腫痛秤

錘燒赤淬酢一盞嚥之

咽喉疼痛銀硃海螵蛸末等分吹之取涎

救急方

纏喉風痺雄黃磨

新汲水一盞服取吐下愈

續千金方

咽喉腫痛五心煩熱取不灰木以牛糞燒赤太陰元精石煨赤

各四兩真珠一錢爲末糯米粥丸如芡子大每服一丸以生地黃汁粟米泔研化服日二次

聖濟總錄

喉痹腫痛土硃煮汁飲之

普濟方

喉痹李實根皮一片噙口內更用李實根研水敷項上一週遭

用新採園中者 喉中生肉綿裹筋頭挂鹽揩之日五六度

千金方

帝鍾喉風垂長半寸煨食

鹽頻點之即消

聖惠方

喉痹風熱痰猪牙皂角爲末和霜梅噙咽

又方木鱉子用鹽水浸噙

一丸

喉痹口噤砂馬牙硝等分研勻點之

聖濟方

喉痹風熱茜草一兩一服降血中之火

又方焰硝半錢枯礬半錢硃砂一錢爲末杜仲牛膝搗汁調敷

喉風腫閉用皂礬一斤好米酢

三升拌曬乾爲末吹之痰涎出盡用良薑末少許入茶內漱口嚥之卽愈

集效方

喉痹作痛遠志

肉爲末吹之涎出爲度

直指方

喉痹陳年白梅入蜥蜴令化噙梅於口中

咽喉熱痛龍膽搗

水服之

集簡方

喉閉腫痛馬蹄草根搗并華水調下卽效

救急方

咽喉腫痛百兩金一寸噙嚥

津 咽喉痹腫硃砂磨水或酢嚥之甚良

冬月喉痹腰痛不可下藥者蛇牀子燒烟於瓶中

口含瓶嘴吸咽其痰自出

聖惠方

熱擁咽毒砂仁殼爲末水服一錢

戴原禮方

急喉風用瑞香白

花者研水灌之

醫學集成

咽喉腫痛用嫩艾搗汁細嚥之

又方青艾和莖葉一握同酢搗爛傳

於喉上冬月取乾艾亦得

喉閉腫痛益母草搗爛新汲水一碗絞濃汁頓飲隨吐愈冬月用根

易簡方下同

喉痹壅塞不通紅藍花搗絞取汁一小升服之以瘥爲度如冬月無生花以乾者浸濕

絞汁煎服極驗

喉風喉痹大青葉搗汁灌之取效止

喉痹腫痛用蠶實一合升麻五分水

一升煎三合入少蜜攪勻細呷大驗

又方馬薊子三升升麻一兩爲末蜜丸水服一錢

喉

風腫痛鹽蟹汁滿含細嚼即消

時珍

喉痹口噤馬蘭花二兩蔓荊子一兩爲末溫水服一錢

喉痹牙疳盆沙末吹並擦之

集簡方

走馬喉痹用白礬末塗綿針上按於喉中立破綿針者用榆

條上以綿裹作大棗也

儒門事親

風熱喉痛白礬半斤研末化水新磚一片浸透取曬又浸又曬至

水乾入糞廁中浸一月取洗安陰處待霜出掃收每服半錢水下

普濟方

喉痹乳蛾等證用癩蝦

蟆肩酥和草烏尖末猪牙皂角末等分丸小荳大每研一丸點患處神效

活人心統

纏喉風病取蒼

耳根一把老生薑一塊研汁入酒服

聖濟總錄

咽喉腫塞痰涎壅滯水不可下者地松連根葉搗汁

鵝翎掃入去痰最爲妙

又方用土牛膝鼓搥草同搗汁灌之不得下者灌鼻得吐爲妙

又

方土牛膝春夏用莖秋冬用根一把青礬半兩同研點患處令吐濃血痰沫即愈

纏喉風腫蚬

蚬草即皺面草細研以生蜜和丸彈子大每噙化一二丸即愈乾者爲末蜜丸亦可名救生丸

咽喉閉痛箸葉燈心草燒灰等分吹之甚妙

集簡方

喉舌瘡爛酒漬蕤荷根半日含漱其汁至瘥

乃止

外臺祕要

咽喉不利風冷失聲蕤荷根二兩搗絞汁入酒一大盞和勻細細服取瘥

肘後方

尸咽痛痹語聲不出麻黃以青布裹燒烟筒中熏之急喉痹塞木賊以牛糞火燒存性每冷水服一

錢血出卽安也

聖惠方

喉風痺塞燈心一握陰陽瓦燒存性每吹一捻數次立愈

又方用燈

心灰二錢礪砂末一錢吹之

又方燈心草紅花燒灰酒服一錢卽消

喉痺乳蛾新鮮牛膝

根一握艾葉七片搗和人乳取汁灌入鼻內湏臾痰涎從口鼻出卽愈無灰酒亦可

又方用牛

膝搗汁和陳酢灌之

纏喉風痺不通欲死者用返魂草根一莖洗淨納入喉中待取惡涎出卽

瘥神效更以馬牙硝津嚥之卽絕根返魂草卽紫苑也

咽喉生瘡脾肺虛熱上攻也麥門冬一

兩黃連半兩爲末煉蜜丸如梧子大每服二十丸麥門冬湯下

喉瘡作痛燈籠草炒焦研末酒

調呷之

醫學正傳

喉痺乳蛾取蝦蟆衣鳳尾草搗爛入霜梅肉煮酒各少許卽研絞汁以鵝翎刷患

處隨手吐痰卽消也

養病漫筆

咽喉風躁腫連頰吐血數者馬鞭草一握勿見風截去兩頭搗汁

飲之良

喉痺腫痛箭頭草葉入醬少許研膏點入取吐

普濟方

喉卒攻痛商陸切根炙熱隔

布熨之冷卽易立愈

風毒咽腫嚥水不下及瘰癧咽腫水服葇荑子末兩錢七神良

喉痺

欲絕不可針藥者乾漆燒烟以筒吹之

聖濟總錄

急喉痺塞遠巡不救皂莢生研末每以少許點患

之外以酢調厚封項下須臾便破出血卽愈或援水灌之亦良

又方用皂角肉牛截水酢米泔

煎七分服破出濃血卽愈

喉卒癰腫吞嚥故仁二枚良

外臺要

喉痹不語大葶煮汁煎稠如

飴含之并飲汁

肘後方

喉痹不語煮豉汁一升服覆取汗乃著桂末於舌下嚥之

千金方下同

咽

生瘰肉鹽豉和搗塗之先刺破出血乃用神效

咽喉妨礙如有物吞吐不利杵頭糠人參各一

錢石蓮肉炒二錢水煎服日三次

聖濟總錄

喉腫難食韭一把搗熬傅之冷卽易

千金方

喉中腫

痛塞氣不通者葱鬚陰乾爲末每用二錢入蒲州膽礬末一錢和勻每用一字吹之

杜壬方

咽喉

腫痛薤根酢搗傅腫處冷卽易之

聖惠方

咽喉氣塞喘息不通漚夷欲絕用獨頭蒜二枚削去兩

頭塞鼻中左患塞右右患塞左候口中濃血出立效

喉痹腫痛大蒜塞耳鼻中日二易之

肘後方

喉痹腫痛芥子末水和傅喉下乾卽易之

又方薤芥子研末酢調取汁點入喉內待喉內鳴却

用陳麻骨燒烟吸入立愈

聖惠方

喉痹腫痛蘿蔔和皂莢漿服取吐

普濟方

喉痹毒氣生薑二

片搗汁蜜五合煎勻每服一合日五服

喉痹腫痛野苦蕒搗汁半盞燈心湯浸捻汁半盞和勻

服

喉痹腫痛糟茄或醬茄細嚼嚥汁

衛生堂方

咽喉腫痛老黃瓜一枚去子入硝塞滿陰乾爲

末每以少許吹之

醫林集要

喉閉腫痛天羅瓜研汁灌之

普濟方

喉痹口噤不開欲死草烏頭皂

莢等分爲末入麝香少許擦牙并噴鼻內牙關自開

又方草烏尖石膽等分爲末每用一錢酢

煮皂莢汁調稀掃入腫上流涎數次其毒卽破也

喉痹腫痛白附子末枯礬等分研末塗舌上

有涎吐出

聖惠方

喉風喉痹用天南星一箇剉心入白殭蠶七枚紙包煨熱研末薑汁調服一錢

甚者灌之吐涎愈名如聖散

喉痹引痰法冬月青魚膽用白礬入內臨用加百草霜鹽炒少許

酢調以鵝毛蘸藥引吐痰出如無魚膽用白礬半兩巴豆肉十枚同枯過去巴豆用礬如無法吐痰

神效吐後用金鎖匙吹之常服必用方甘桔湯最妙

喉痹腫塞痛生半夏末噴鼻內涎出效

方

咽喉腫痛射干花山豆根陰乾爲末吹之如神

袖珍方

又方扁竹新根搗汁嚥之大腑動

卽鮮或酢研汁嚥引涎出亦妙

又方用紫蝴蝶根一錢黃芩生甘草桔梗各五分爲末水調頓

服立愈名奪命散

喉痹作痛番木鱉青木香山豆根等分爲末吹之

纏喉風腫番木鱉仁

一箇木香三分同磨水調熊膽三分膽礬五分以鷄毛掃患處取效

經驗方

喉痹腫痛楸藤子燒

研酒服一錢

聖惠方

喉中發癰山豆根磨酢嚥之追涎卽愈勢重不能言者類以鷄翎掃入喉中

引涎出就能言語

永類方

喉風急證牙關緊閉水穀不下山豆根白藥等分水煎嚥之嚥下二三

日即愈

楊清叟外科

咽喉腫痛水漿不下苦藥山豆根甘草硝石各一分射干柑皮升麻各半錢爲

末蜜丸噙之

聖惠方

喉中熱塞腫痛散血消痰白藥礞硝等分爲末吹之日四五次

直指方

咽

喉腫痛白藥末一兩龍腦一分蜜和丸芡子大每含嚥一丸

聖惠方

又方五爪龍草車前草馬藹

草各一握擣汁頻噉咽

喉痺腫塞喘息不通須臾欲絕用絡石草一兩水一升煎一大盞細細

呷之

喉痺不語羊蹄獨根者勿見風日及婦人鷄犬以三年酢研如泥生布拭喉外令赤塗之

千金方

咽喉腫痛嚥物不得馬勃一分蛇退皮一條燒末綿裹一錢含嚥立瘥

走馬喉痺馬

屁勃即灰拈炤硝一兩爲末每吹一字吐涎血即愈

喉痺腫痛生油一合灌之立愈

飲酒

咽喉口舌生瘡大麻仁一升黃芩二兩爲末蜜丸含之

千金方

咽喉腫痛卒不可食白麪和酢塗

喉外腫處

普濟方

喉痺疳腮用糯米三升於端午前四十九日以冷水浸之一日兩換水輕淘轉

勿令攪碎至端午日取出陰乾絹袋盛掛通風處每用旋取炒黑爲末冷水調如膏藥貼項上及腫

處一夜便消乾即換之常令濕爲妙

喉痺腫痛稻草燒取黑烟酢調吹鼻中或灌入喉中滾出

痰立愈

普濟方

喉風腫痛絲瓜根以瓦瓶盛水浸飲之

海上方

咽喉痺痛五月五日收桑上木

耳白如魚鱗者臨時搗碎綿包彈子大蜜湯浸含之立效

便民方

喉痹乳蛾用青梅二十枚鹽十

兩醃五日取梅汁入明礬三兩桔梗白芷防風各二兩猪牙皂角三十條俱爲細末拌汁和梅入瓶收之每用一枚噙嚙津液凡中風痰厥牙關不開用此擦之尤佳 又方梅包生礬末作丸含嚙

或納吞之

喉痹塞痛桃皮煮汁三升服

千金方

咽喉作痛茱萸末傅調塗足心一夕愈

咽喉閉痛生烏藥卽矮樟根以酸酢二盞煎一盞先嚙後嚙吐出痰涎爲愈

風熱喉痹燈心一

錢黃蘗五分竝燒存性白礬七分煨過冰片三分爲末每以一二分吹患處

集簡方

卒喉痹痛黃

蘗片含之又以一斤酒一斗煮二沸恣飲便愈

肘後方

咽喉卒腫食飲不通苦酒和黃蘗末傅之

冷卽易

喉風閉塞臘月初一日取猪膽不拘大小五六枚用黃連青黛薄荷殭蠶白礬礬硝各

五錢裝入膽內青紙包了將地掘一孔方深各一尺以竹橫懸此膽在內以物蓋定候至立春日出待風吹去膽皮青紙研末蜜收每次少許神驗乃萬金不傳之方 大人喉風筆竹油頻飲之

集簡方

咽喉卒腫不下食地龍十四條搗塗喉外又以一條著鹽化水入蜜少許服之

喉痹

塞口用韭地紅小蚯蚓數條酢搗取食之卽吐出痰血二三梳神效

普濟方

又方用地龍一條研

極爛以鷄子白攪和灌入卽通

聖惠方

喉痹腫塞用蝸牛綿裹水浸含嚙須臾立通

又方蝸

牛七枚白梅肉二枚研爛綿裹含嚙立效

喉痹腫痛用荔枝花及皮根水煮汁細細含嚙取瘥

止

海上方

走馬喉痹詩云急喉腫痹最堪憂急取盛燈盞內油甚者不過三五呷此方原是至人

留

喉痹腫痛鷄矢白含之嚙汁

聖惠方

咽喉腫痛牙皂一挺去皮米酢浸炙七次勿令焦爲

末每吹少許入咽吐涎卽愈

喉痹喉風五月五日或六月六日七月七日采楮桃陰乾每用一

箇爲末并華水服之重者以兩個卽愈

集簡方

咽喉生瘡層層如疊不痛日久有竅出臭氣廢飲

食用吳橘葉煎湯連服

纏喉風危急用巴豆七粒三生四熟生者去殼生研熟者去殼燈上燒

存性研乾桑黃茹二片雄黃一塊細研鬱金一枚研右再加研每服半字茶清少許調下如口噤咽

塞以竹管吹入喉中須臾吐利卽安矣名雄黃散

喉痹語聲不出豬牙角和霜梅爲末噉之

鍼灸

素問曰邪客於手少陽之絡令人喉痹舌卷口乾心煩臂外廉痛手不及頭刺手中指次指爪甲上去端如韭葉各一痛壯者立已老者有頃已左取右右取左此新病數日矣 邪客於足少陰之

絡令人噤痛不可內食無故善怒氣上走竇上刺足下中央之脉各三瘡凡六刺立已左刺右右刺左噤中腫不能內唾時不能出唾者刺骨之前出血立已左刺右右刺左 肺虛則少氣不能報

息耳聾噤乾取其經太陰足太陽之外厥陰內血者 靈樞曰足陽明之別名曰豐隆其病氣逆

則喉痹卒瘕宜取之 咽喉閉塞取照海 喉痹舌卷口中乾煩心心痛臂內廉痛不可及頭

取手小指次指爪甲下去端如韭葉 噤乾口中熱如膠取足少陰 喉痹不能言取足陽明

能言取手陽明 甲乙經曰喉痛瘖不能言天突主之 喉痹脅中暴逆先取衝脉後取三里

雲門皆瀉之 咽腫難言天柱主之 喉痹完骨及天容氣舍天鼎尺澤合谷商陽陽谿中渚

前谷商丘然谷陽交悉主之 喉痹咽腫水漿不下璇璣主之 喉痹食不下鳩尾主之

喉痹咽如梗三間主之 喉痹不能言溫溜及曲池主之 喉痹氣逆口喎喉咽如扼狀行間

主之 咽中痛不可內食湧泉主之 千金方曰風府天窗勞宮主喉噤痛 扶突天突天

谿主喉鳴暴忤氣哽 少商太衝經渠主喉中鳴 魚際主喉中焦乾 水突主喉咽腫

掖門四瀆主呼吸短氣咽中如瘕肉狀 間使主噤中如梗 少衝主酸咽 少府蠡溝主

主隘中有氣如瘧肉狀

中渚支溝內庭主隘痛

復溜照海太衝中封主隘乾

前谷照

海中封主咽偏腫不可以咽

涌泉大鍾主咽中痛不可內食

然谷太谿主隘內腫氣走咽

喉而不能言

風池主喉咽僂引項攣不收

完骨天牖前谷主喉痹頸項腫不可俛仰頰腫

引耳後

中府陽交主喉痹脅滿塞寒熱

天容缺盆大杼膈腧雲門尺澤二間厲兌涌泉然

谷主喉痹咽寒熱

天鼎氣舍膈腧主喉痹噎咽腫不得消食飲不下

天突主喉痹咽

乾急

大陵偏歷主喉痹隘乾

璇璣鳩尾主喉痹咽腫水漿不下

三間陽谿主喉痹咽

如哽

神門合谷風池主喉痹

三里溫溜曲池中渚豐隆主喉痹不能言

開衝竅陰少

澤主喉痹舌卷口乾

凡喉痹脇中暴逆先取衝脉後取三里雲門各瀉之又刺手小指端出血

立已

東垣十書曰喉閉刺手足少陽并即關衝竅陰

喉閉乳蛾取少商鍼入一分臥鍼向

後三分照海太衝

丹溪心法曰喉閉少商合谷尺澤皆鍼之

累年喉痹男左女右手大指

甲第一節灸三小壯

得效方曰喉閉不開取陽靈穴出血即愈

根脚咽喉常發者耳垂珠

下半寸近腮骨灸七壯二七九妙

咽喉腫痛鍼風府主咽喉諸病及毒氣歸心等項惡證無不

效又鍼少商咽喉腫痛皆治之又鍼合谷又鍼上星治頰腫纏喉風等證又鍼足三里

醫學綱

目曰內經鍼灸喉痹法有二今以經脉所過咽喉取之驗者及他病相干而致喉痹取之者六通經也 其一取手足陽明經云喉痹不能言取足陽明能言取手陽明又云胃足陽明脉從大迎前

下人迎循喉嚨所生病者頸腫喉痹視盛虛熱寒陷下取之又云足陽明之別名曰豐隆去踝八斗別走太陰其病氣逆則喉痹卒瘕取之所別也又曰大腸手陽明脉所生病者喉痹視盛虛熱寒陷下取之也 其二取手少陽經曰三焦手少陽之脉出缺盆上項繫耳後是動則病噤腫喉痹視

盛虛熱寒陷下取之又曰邪客手少陽之絡令人喉痹刺手中指次指爪甲上去端如韭葉各一病壯者立已老者頃已左取右右取左是也 其三以經絡所過喉咽者有二經曰肝足厥陰之脉

循喉嚨之後故喉之後疼者取之累驗也又云腎足少陰之脉上貫肝鬲循喉嚨竇漢卿所謂必准者照海治喉中之閉塞是也 其四他病相干致喉痹者有一經曰心欬之狀喉中介介如梗狀

甚則咽腫喉痹心之俞蓋大陵穴是也

治喉痹豐隆湧泉關衝甚者以小三稜鍼藏筆鋒中詐

言點藥於喉痹上乃刺出紫血頓下立愈

喉閉不通少商隱白少衝湧泉

喉痹頰腫如升

水粒不下少商出血手大指背頭節三稜鍼刺三針出血陽谷三分

喉痺刺少陰少陰在手腕

當小指掌後動脈是也鍼入三分補之

內經灸刺咽喉腫痛有二其一取足少陰經云腎足少

陰之脈所生病者咽腫上氣噎乾痛又云噎中腫不能內唾時不能出唾者刺然骨之前出血立已左刺右右刺左又云邪客足少陰之絡令人噎痛不可納食無故善怒氣上走贛上刺足下中央之脈各三疔凡六刺立已左刺右右刺左是也其二取手太陽經云小腸手太陽之脈是動則病

噎病頰腫視虛實寒熱陷下取之也

內經灸刺咽噎介介如梗狀有二其一取陽陵泉經云膽

病者善太息口苦嘔宿汁噎中介介然數唾取陽陵泉是也

其二取大陵經云心欬之狀喉中

介介然如梗狀取心之俞是也

醫學入門曰火鬱則發之砭刺出血卽汗之之義也血出多則

愈有鍼瘡者薑汁調熟水時時呷之凡關上血泡最宜鍼關下不見者令病人含水一口用蘆管尖

刺鼻孔出血妙

醫方考曰急喉閉於患人手大指外邊指甲後一韭葉許鍼之男左女右血出

卽效如大段危急兩手大指俱鍼之其效甚捷蓋喉嚨者肺之系所鍼之處乃少商也爲肺之井穴故出血則愈

喉中紅赤用鍼從旁鍼之出血卽愈所以必欲旁穿者避癰門穴犯之令人失音

故耳

導引

古今醫統曰治喉痹就令患者將手大拇指第二節屈踈急令張口勤勤堅咬其氣通暢血絲自散腫亦消矣 保生祕要曰喉風可於患處推清肺經呵而吸之

醫案

後漢書華佗傳曰佗嘗行道見有病咽塞者因語之曰向來道隅有賣餅人萍蠶甚酸可取三升飲之病自當去卽如佗言立吐一蛇乃懸於車而候佗時佗小兒戲於門中逆見自相謂曰客車邊有物必是逢我翁也及客進顧視壁北懸蛇以十數乃知其奇 儒門事親曰一婦人病咽喉腫塞

漿粥不下數日腫不退藥既難下針亦無功戴人以當歸荆芥甘草煎使熱漱之以冷水拔其兩手不及五六日痛減腫消飲食如故咽喉之病甚急不可妄用針藥 衛生寶鑑曰梁氏富梁之子

因洪飲大熱之氣所傷滋溢心火刑於肺金故以桑白皮地骨皮苦微寒降肺中伏火而補氣用以爲君黃芩知母苦寒治氣息腥臭清利肺氣用以爲臣肺欲收急食酸以收之五味子之酸溫以收